

aek  
23.korrika

ALBISTEAK

2023/12/15



B2  
MAILA

**Badator 23. KORRIKA!**

Harrotasunez! Kanean da KORRIKA-KANTA!

aek  
23.korrika

**HARRO  
HERRI**



Irundik Baionarat  
2024ko martxoaren 14tik 24ra

## Kalean da 23. KORRIKA-kanta: *Harro herri*

- Hemen behean, kantan parte hartu duten artista batzuk ezagutuko dituzu. Adi irakurri, eta hiru datu faltsu topatuko dituzu:

### Mursegó (Maite Arroita Jauregi Aranburu; Eibar, 1977)

Folk- eta pop-abelsari bizkaitarra da, eta 23. Korrika-kantaren sortzaile eta zuzendari artistikoa; .... (1), ahotssetako bat ere jarri du.

Hainbat talde eta bakarlariren musikari izan zen (.... (2), Anari, Lisabö, Xabier Montoia, Ama Say...), harik eta 2009an bakarkako lehenengo diskoa kaleratu zuen arte. Bere diskoetan, kantatu .... (3), txeloa, pianoa, ukelelea, autoharpa, xilofonoa, stylophonea, melodikoa, txirula, kalinba, erreklamauak eta perkusio txikia ere jotzen ditu, musikari osoa den erakusgarri.

.... (4), filmetarako soinu-bandak ere egiten ditu.

Ospetsuena "Akelarre" filmerako egindakoa izan zen; .... (5), 2021ean jatorrizko musika onenaren Goya saria irabazi zuen lan horregatik, Arantzazu Callejarekin batera.



Irudia (AEK): kantaren aurkezpena (Mursegó, ezkerretik bigarrena)

Beste talde eta abelsari batzuekin ere aritu izan da .... (6). 2017an, .... (7), Ibon Rodriguezek ekoiztako % 100 Oion proiektuan kolaboratu zuen, non oiondar .... (8) parte hartu zuen. Alabaina, aurretik, Harkaitz Cano pop-kantari ezagunarekin jardun zuen, baita Iban Urizarrekin ere.

### Kau Kori Kura (Mikel Aizpurua; Ordizia, 2015)

Pop errealista egiten du, Ritxar Gomezekin batera.

.... (9) hasi zen kantu bereziak YouTubera igotzen, eta dagoeneko hainbat disko kaleratu ditu. Abestien hitzak errealistak dira, .... (10) abesti horien izenburu batzuk:

*Errauskailua Txillidalekun, Atez-ahate, Barbie ETBn (eta non dago Ken?), Atun burusoil, Pollo-e...*

### IbonRG (Ibon Rodríguez García; Sestao, 1978)

Musikari eta kultura-eragile euskalduna da.

Ibonek hainbat musika-.... (11) jotzen ditu. Bakarkako saioetan inprobisatu egiten du: ahotsaz esperimentazioak egiten ditu, pianoa lagun. Disko-ekoizle lanak .... (12) egiten ditu.

**Iturria:** eu.wikipedia (moldatua)



### ► Azpimarra itzazu forma zuzenak:

1. gainera / gainean / halere
2. besterik gabe / besteak beste / bestetik
3. izan ezik / ez ezik / ezean
4. Horrez gain / Gainetik / Ordea
5. hots / edonola ere / izan ere
6. elkarlanean / elkar / besteak beste

7. esateko / esaterako / esanda
8. asko / askok / izugarri
9. 2015an / 2015en / 2015ean
10. hona hemen / hantxe / hor
11. tresna / tresnak / tresnek
12. ere bai / ere / baita



## Harro herri (kanta)

**Harro<sup>1</sup> herri korrika**  
**Harro herri korrika**  
**Harro herri korrika**  
**Bagara!**

**Harro herri korrika**  
**Harro herri korrika**  
**Harro herri korrika**  
**Plazara!**

Harro herri  
 Hona gu euskaldunak  
 Euskararen lagunak  
 Hats<sup>2</sup> eta izerdi<sup>3</sup>

Herri harro  
 Sarean (e)ta kalean  
 Bihotza pil-pilean  
 Tik-tak, tik-tak, tik-tok

**Mingainaz mingaina**  
**Mintzairaz mintzaira<sup>4</sup>**  
 Lurrarekin batera  
 .....<sup>5</sup>

**Ku kukulumuxu<sup>6</sup>**  
**Ko-ko kokoriko<sup>6</sup>**  
 Euskararen sarea  
 Ez da eroriko

**Mingainaz mingaina**  
**Mintzairaz mintzaira**  
 Hizkuntzak .....ekin<sup>7</sup>  
 Aberasten dira

**Ku kukulumuxu**  
**Ko-ko kokoriko**  
 .....<sup>8</sup>  
 Edo afoniko

**Harro herri korrika**  
**(errepika)**

Ahoa bizi-bizi  
 Prest belarriak  
 Eskuz esku heldurik  
 .....<sup>9</sup> eztarriak

Argazki bat ipini  
 lasterka egina  
 Bihotz, muxu, .....<sup>10</sup>  
 Nik bai eragina!

**Mingainaz mingaina...**  
**Ku kukulumuxu...**  
**Mingainaz mingaina...**  
**Ku kukulumuxu...**  
**(errepika)**

Onlineko txatean  
 Ez zirri ez mirri<sup>11</sup>  
 gorputzen .....ean<sup>12</sup>  
 ikimilikikirri

Esku bat nirea  
 Bestea zurea  
 .....<sup>13</sup>  
 .....<sup>14</sup> gurea

Ikasten bazabiltza  
 Egin gurekin  
 .....<sup>15</sup> ulertu arte  
 Ekin (e)ta ekin<sup>16</sup>

Hizkuntzak ikastera  
 Bagoaz kanpora  
 Zergatik ez herrian  
 Euskara ahora

**Harro herri korrika**  
**(errepika bi aldiz)**

Ez badigute ematen,  
 arrazoa guri  
 Su emango diogu,  
 haien .....ari<sup>17</sup>



### HIZTEGITXOA:

#### Lagunduko diguzu kanta eta hiztegitxoa osatzen?

- <sup>1</sup> HARRO: bere buruaz lotsatzen ez dena
- <sup>2</sup> HATS: arnasa, hasperen
- <sup>3</sup> IZERDI: gorputzetik botatzen dugun likido usaintsu eta gazia
- <sup>4</sup> MINTZAIRA: hitz egiteko modua
- <sup>5</sup> ..... : bueltaka
- <sup>6</sup> KUKULUMUXU, KOKORIKO (sinonimoak dira): oin puntetan ibili
- <sup>7</sup> ..... : hitz egiten duen pertsona
- <sup>8</sup> ..... : barre handia egiten, karkailaz
- <sup>9</sup> ..... : eztanda egin
- <sup>10</sup> ..... : euskaldunon oihu ezaguna
- <sup>11</sup> ZIRRI-MIRRI EGIN: laztandu
- <sup>12</sup> ..... : ez hotz, ez bero
- <sup>13</sup> ..... : eskua eman, agurtzeko edo adostasuna adierazteko
- <sup>14</sup> ..... : izateko
- <sup>15</sup> ..... : nik zu eta zuk ni
- <sup>16</sup> EKIN: ahalegindu, jarraitu
- <sup>17</sup> ..... : maila altuko arau

### AUKERAK:

EPEL, IRRINTZI, JIRA ETA BIRA,  
 HIZTUN, LEGE, EMAN  
 BOSTEKOA, IZAN DADIN,  
 ALGARA BATEAN,  
 LEHERTU, ELKAR

## ERRONKA: baietz errepikak buruz ikasi!

### FITXA TEKNIKOA:

**Zuzendari artistikoa eta musikaria:** *Mursego* (Maite Arroita Jauregi Aranburu).

**Parte hartu duten talde eta musikariak:** *Ibon Rg, Ibil Bedi, Kau Kori Kura, Aida Torres, Marié Bidart, Asier Ituarte, Garazi Zabaleta, Urretabizkaia Txaranga*

**Letra:** Amaia Astobiza

**Grabazioak:** Oihan Lizaso (Noisestudioa)

**PROZEDURA:**

- ▶ Aurtengo KORRIKAz zer dakiten galdetuko diegu<sup>1</sup>.  
**Nahiago baduzu**, KORRIKAz zer dakiten jakiteko, **Kahoot bidezko txapelketa**<sup>2</sup> egin dezakete.
- ▶ Bideoa<sup>3</sup> ikusi, eta komentatu egingo dugu: *zer egin zenuten zuek 22. KORRIKA*?
- ▶ Eskola girotzeko, **KORRIKARI lotutako lexikoarekin jolasa** egin dezakezue (ikus 5. or.).
- ▶ Korrika-kantarik gogoratzen ote duten galdetuko dugu. Gogoratzen badute, kanta dezatela gogoratzen duten zatiren bat...
- ▶ Aurtengo kanta jada aurkeztu dela esan, eta bideoklipa<sup>3</sup> ikusiko dugu eskolan.
- ▶ Zer iruditu zaien komentatu, eta utziko diegu kantariez eta bideoklipetan agertutako pertsonez zer dakiten esaten.
- ▶ Biografiak irakurri, hiru datu faltsuak atzeman eta hutsuneak bete beharko dituzte (2. or.).
- ▶ Talde handian zuzenduko dugu.

**ERANTZUN ZUZENAK (HIRU DATU FALTSUAK):**

1. Eibartarra eta bizkaitarra? Bai, Eibar mugan-mugan dago, baina oraindik ere Gipuzkoa da! Eta **Mursego eibartarra da; beraz, gipuzkoarra.**
2. Harkaitz Cano, pop-kantaria? Ez, bada! **Harkaitz Cano idazle ezaguna da**; edonola ere, bai, Mursegorekin elkarlanean aritu izan zen, 2015ean, Porto proiektuan.
3. Zer da pop errealista? Ibonen **abestien izenak benetakoak direla kontuan hartuta, pop surrealista egiten** duela esan beharko genuke: "atun burusoil"!?

**ERANTZUN ZUZENAK (HUTSUNEAK):**

1. gainera; 2. besteak beste; 3. ez ezik; 4. horrez gain; 5. izan ere; 6. elkarlanean; 7. esaterako; 8. askok; 9. 2015ean; 10. hona hemen; 11. tresna; 12. ere

- ▶ Kantaren letra emango diegu eta hiztegitxoak zein kanta osatu beharko dute (3. or.).
- ▶ Horretarako, hutsuneak betetzeko tarte bat utziko diegu: banaka, lehenik; binaka, ondoren.
- ▶ Zuzentzeko, kanta<sup>4</sup> entzungo dugu berriro. Letra osoa 6. orrialdean duzue.

**ERANTZUN ZUZENAK:**

3. IZERDI; 5. JIRA ETA BIRA; 7. HIZTUN; 8. ALGARA BATEAN; 9. LEHERTU; 10. IRRINTZI; 12. EPEL; 13. EMAN BOSTEKOA; 14. IZAN DADIN; 15. ELKAR; 17. LEGE.

- ▶ Solasaldia egingo dugu: kanta gustatu zaien, zein KORRIKA-kanta gustatzen zaien gehien, zein musika-estilo duten gustuko, euskal musika entzuten ote duten, zein euskal musikari edo talde duten gogoko. Nahi izanez gero, hemen dituzue edizio guztietako KORRIKA-kantak: <https://www.argia.eus/albistea/korrika-abesti-guztien-bilduma>
- ▶ Erronka botako dugu: ea zeinek ikasten duen buruz aurtengo kanta! Edo errepikak!
- ▶ **Badok.eus** ezagutzen ez badute, gunea aurkezteko aprobetxa dezakegu unea.
- ▶ Musikazaleak badira, proposa dezakegu bakoitzak gustuko kantari baten aurkezpena presta dezala, Korrikakoak eredu hartuta. Gelako **(euskal) kanten Top10 zerrenda** egiten ere saia gintezke.
- ▶ Amaitzeko, **23. KORRIKA: HARRO HERRI Spota** ikusi eta komentatuko dugu (azpidatziak gaztelaniaz, ingelesez eta frantsesez daude): <https://www.youtube.com/watch?v=V1cEdW5ZyYA>
- ▶ Nahi badute, **eskolan egindakoa erreparatzeko**, etxean online ariketa ere egin dezakete (bertan, ariketa gehiago ere izango dituzte: <https://korrika.h5p.com/content/1292114037921935397>)

<sup>1</sup> **AEK zer den** azaltzeko aprobetxa dezakegu nahi izanez gero. Horretarako, esteka hau bidaliko diegu: [https://www.youtube.com/watch?v=3kzfLoVO3Ag&list=PLQ7B3QXOhR\\_WEVdRu9LqpiQpMQTOraI\\_S&index=2](https://www.youtube.com/watch?v=3kzfLoVO3Ag&list=PLQ7B3QXOhR_WEVdRu9LqpiQpMQTOraI_S&index=2)

<sup>2</sup> **Zer dakizue KORRIKAz? B1-C1** <https://create.kahoot.it/details/a51ff30c-36a2-44d4-b502-a0da6c7c8c30>

<sup>3</sup> Girotzeko **bideoa**: "22. KORRIKA: HitzEkin, baina hitzik gabe! **Mila esker, Euskal Herria!**" [https://www.youtube.com/watch?v=c3HwYZ\\_os3o](https://www.youtube.com/watch?v=c3HwYZ_os3o)

<sup>4</sup> **HARRO HERRI (23. KORRIKAren abestia eta bideoklipa)**

<https://www.korrika.eus/eu/abestia> eta <https://www.youtube.com/watch?v=wXRJVFng4Ug>


**ESKOLA GIROTZEKO JOLASA: KORRIKA-LEXIKOA**

- ▶ Eskola girotzeko, jolas bat egingo dugu; horretarako, ikasleak binaka jarriko ditugu.
- ▶ Ikasleei hitz bana emango diegu (moztu beheko fitxak).
- ▶ Helburua izango da ikaskideek hitzak asmatzea.
- ▶ Arau bakarra dago: hitza bera ezin izango da esan, ezta "erro" berekoak ere.
- ▶ Txandaka, kontzeptuak adierazi beharko dituzte, bakoitzari egokitu zaionaren arabera: ahozko azalpenak emanez, imintzioka edo arbelean marratuz (moztu beheko fitxak).
- ▶ Ikasle bakoitza bere bikotekideak asma dezan ahaleginduko da: hari begira egingo du lan, baina denak jolastuko dira; beraz, hitza lehenen asmatzen duen bikoteak eramango ditu puxtarriak.
- ▶ Amaitzean, puxtarri gehien dituen bikoteak irabaziko du.

<p>(HITZA) AHOZ AZALDU</p> <p><b>Festa</b></p>	<p>(HITZA) IMINTZIOKA ADIERAZI</p> <p><b>Arduradun</b></p>	<p>(HITZA) MARRAZTUZ ADIERAZI</p> <p><b>Lelo</b></p>
<p>(HITZA) AHOZ AZALDU</p> <p><b>Korrika Batzorde</b></p>	<p>(HITZA) IMINTZIOKA ADIERAZI</p> <p><b>Lekuko</b></p>	<p>(HITZA) MARRAZTUZ ADIERAZI</p> <p><b>Korrika furgoneta</b></p>
<p>(EKINTZA) AHOZ AZALDU</p> <p><b>Lagundu</b></p>	<p>(EKINTZA) IMINTZIOKA ADIERAZI</p> <p><b>Bultzatu</b></p>	<p>(EKINTZA) MARRAZTUZ ADIERAZI</p> <p><b>Zain egon</b></p>
<p>(EKINTZA) AHOZ AZALDU</p> <p><b>Omendu</b></p>	<p>(EKINTZA) IMINTZIOKA ADIERAZI</p> <p><b>Parte hartu</b></p>	<p>(EKINTZA) MARRAZTUZ ADIERAZI</p> <p><b>Korrika egin</b></p>
<p>(EKINTZA) AHOZ AZALDU</p> <p><b>Antolatu</b></p>	<p>(EKINTZA) IMINTZIOKA ADIERAZI</p> <p><b>Ondo pasa</b></p>	<p>(EKINTZA) MARRAZTUZ ADIERAZI</p> <p><b>Euskaraz hitz egin</b></p>

**Harro herri (kanta)**

**Harro<sup>1</sup> herri korrika**  
**Harro herri korrika**  
**Harro herri korrika**  
**Bagara!**

**Harro herri korrika**  
**Harro herri korrika**  
**Harro herri korrika**  
**Plazara!**

Harro herri  
 Hona gu euskaldunak  
 Euskararen lagunak  
 Hats<sup>2</sup> eta izerdi

Herri harro  
 Sarean (e)ta kalean  
 Bihotza pil-pilean  
 Tik-tak, tik-tak, tik-tok

**Mingainaz mingaina**  
**Mintzairaz mintzaira<sup>3</sup>**  
 Lurrarekin batera  
 Jira eta bira

**Ku kukulumuxu<sup>4</sup>**  
**Ko-ko kokoriko<sup>4</sup>**  
 Euskararen sarea  
 Ez da eroriko

**Mingainaz mingaina**  
**Mintzairaz mintzaira**  
 Hizkuntzak hiztunekin  
 Aberasten dira

**Ku kukulumuxu**  
**Ko-ko kokoriko**  
 Algara batean  
 Edo afoniko

**Harro herri korrika...**  
**(errepika)**

Ahoa bizi-bizi  
 Prest belarriak  
 Eskuz esku heldurik  
 Lehertu ezarriak

Argazki bat ipini  
 lasterka egina  
 Bihotz, muxu, irrintzi  
 Nik bai eragina!

**Mingainaz mingaina...**  
**Ku kukulumuxu...**  
**Mingainaz mingaina...**  
**Ku kukulumuxu...**  
**(errepika)**

Onlineko txatean  
 Ez zirri ez mirri<sup>5</sup>  
 gorputzen epelean  
 ikimilikikirri

Esku bat nirea  
 Bestea zurea  
 Eman bostekoa  
 Izan dadin gurea

Ikasten bazabiltza  
 Egin gurekin  
 Elkar ulertu arte  
 Ekin (e)ta ekin<sup>6</sup>

Hizkuntzak ikastera  
 Bagoaz kanpora  
 Zergatik ez herrian  
 Euskara ahora

**Harro herri korrika...**  
**(errepika, bi aldiz)**

Ez badigute ematen,  
 arrazoia guri  
 Su emango diogu,  
 haien legeari

**HIZTEGITXOA:**

<sup>1</sup> HARRO:  
 bere buruaz lotsatzen ez dena

<sup>2</sup> HATS: arnasa, hasperen

<sup>3</sup> MINTZAIRA:  
 hitz egiteko modua

<sup>4</sup> KUKULUMUXU, KOKORIKO  
 (sinonimoak dira):  
 oin puntetan ibili

<sup>5</sup> ZIRRI-MIRRI EGIN: laztandu

<sup>6</sup> EKIN: ahalegindu, jarraitu

**FITXA TEKNIKOA:**

**Zuzendari artistikoa eta musikaria:** *Mursego* (Maite Arroitauregi Aranburu).

**Parte hartu duten talde eta musikariak:** *Ibon Rg, Ibil Bedi, Kau Kori Kura, Aida Torres, Marié Bidart, Asier Ituarte, Garazi Zabaleta, Urretabizkaia Txaranga*

**Letra:** Amaia Astobiza

**Grabazioak:** Oihan Lizaso (Noisestudioa)

